



Stéttarfélag bókasafns- og upplýsingafræðinga

Aðalfundur 2016

föstudagurinn 15. apríl

Skýrsla stjórnar Stéttarfélags bókasafns- og upplýsingafræðinga

Lögð fram á aðalfundi félagsins 15. apríl 2016

Félagar í SBU voru 277 í byrjun árs 2016.

Saga stéttarfélags bókasafns- og upplýsingafræðinga

Félagið var stofnað 1998 upp úr tveimur eldri félögum, Kjaradeild Félags bókasafnsfræðinga og Bókavarðafélaginu. Það gekk við stofnun inn í BHM, en ekki höfðu allir félagar Bókavarðafélagsins verið þar áður.

Stjórn SBU

Á aðalfundi 2015 voru breytingar á stjórn þar sem fjögur af fimm sætum var laus. Inn í stjórn komu Óskar Guðjónsson, varaformaður, Hallfríður Kristjánsdóttir, meðstjórnandi, Dagnýs S. Jónsdóttir gjaldkeri. Óskar Þór Þráinsson var áfram ritari og Sigrún Guðnadóttir bauð sig áfram fram sem formaður SBU.

Stjórnarfundir og rekstur félagsins

Að jafnaði eru haldnir stjórnarfundir einu sinni í mánuði að júlí undanskildum. Ef upp koma mál milli funda eru þau annað hvort leyst með tölvupóstssamskiptum eða boðun aukafundar.

Þjónustuskrifstofan

Fimm félög standa saman að rekstri þjónustuskrifstofu fyrir félögin. Þau eru, fyrir utan SBU: Félag háskólamenntaðra starfsmanna stjórnarráðsins, Félag ísl. félagsvísindamanna, Fræðagarður og Stéttarfélag lögfræðinga. Fundir eru haldnir einu sinni á mánuði í stjórn þjónustuskrifstofunnar en í henni sitja formenn þeirra félaga sem að rekstrinum standa og skipta þeir með sér að vera formaður, gjaldkeri og ritari þeirra stjórnar í eitt ár í senn. Formaður SBU var formaður stjórnar þjónustuskrifstofunnar fyrri hluta árs 2015. Starfsmenn þjónustuskrifstofunnar voru í lok árs 2015 fimm, að framkvæmdastjóra meðtöldum.

Á stjórnarfundum þjónustuskrifstofunnar hefur mikill tími farið í að ræða húsnæðismál félaganna 5 sem standa að rekstri þjónustuskrifstofunnar. Það er orðið ljóst að það húsnæði sem við höfum til afnota núna er engan veginn nógu hagstætt fyrir þann rekstur sem félögin vilja standa fyrir. Á þessu ári var loks komist að niðurstöðu varðandi húsnæði BHM sem þótti ásættanleg fyrir þau 5 félög sem reka þjónustuskrifstofuna. Aðstaðan verður áfram í Borgartúni 6 en félögin fengu stærra húsnæði þar undir sinn rekstur. Til stendur að SBU muni kaupa hlut í húseigninni að Borgartúni 6, en heimild til þess var samþykkt á aðalfundi 2013.

Formannaráð BHM

Formannaráð fer með æðsta vald í málefnum BHM á milli aðalfunda. Því ber að huga að stærri og stefnumótandi ákvörðunum innan BHM ásamt daglegri ákvarðanatöku sem er hlutverk stjórnar. Formannaráð veitir stjórn aðhald og veitir henni umboð til daglegs starfs á grundvelli stefnu sem mótuð er á stefnumótunarþingum og samþykkt á aðalfundum.

Í formannaráði eiga sæti formenn allra aðildarfélaga bandalagsins og stjórn þess. Ef formaður aðildarfélags á sæti í stjórn BHM skipar hlutaðeigandi félag annan mann úr stjórn þess til setu í formannaráði. Forfallist formaður tekur varaformaður hans sæti. Formannaráðið skal funda fjórum sinnum á ári hið minnsta.

Kannanir 2015

Á starfsárinu réðst félagið í samstarfi við Bandalag háskólamanna (BHM) í umfangsmikla könnun á kjörum félagsmanna. Könnun þessi var gerð af rannsóknar- og ráðgjafafyrirtækinu Maskínu í mars. Mikilvægi kjarakönnunar er ótvírætt. Með henni hefur náðst betri yfirsýn yfir kjör félagsmanna sem kemur m.a. að góðum notum þegar mótuð er kröfugerð fyrir kjarasamninga. Í könnuninni var annars vegar spurt um árslaun fyrir árið 2014 og hins vegar um laun í febrúar 2015.

Árið 2015

Árið 2015 var kjarasamningaár og fór mestur tími stjórnarmanna í vinnu við kjarasamninga. Samningar við ríkið voru lausir í febrúar 2015 og í september sama ár urðu samningar lausir gagnvart Reykjavíkurborg og Sambandi íslenskra sveitarfélaga.

Aðaláherslan við gerð kjarasamninga 2015 var að ná fram leiðréttingum á kjörum háskólamenntaðra, sem hafa dregist verulega aftur úr frá hruni. Þær hækkanir sem félasmenn fengu á árinu voru spor í rétta átt.

Ekkert gekk í samningaviðræðum við ríkið í byrjun árs 2015 og eftir marga árangurslausa fundi boðuðu þau 18 félög sem höfðu myndað sameiginlega samninganefnd til verkfallsaðgerða. Þær aðgerðir stóðu yfir í 10 vikur. Félagsmenn SBU hjá ríkinu fóru í táknrænt verkfall hálfan dag ásamt öðrum félögum BHM og í kjölfar þess tóku við raunveruleg verkföll hjá nokkrum aðildafélögum BHM. Öll félögin 18 greiddu þann kostnað sem til féll vegna aðgerðanna og var hlutur SBU kr 9.870.625.

Á endanum voru sett lög á verkfallið og á öll félögin sem að þeim stóðu. Sérstökum gerðardómi var falið að dæma kjör félagsmanna innan BHM hjá ríkinu. Látið var reyna á lögmæti þessara laga og tapaði BHM þeim málflutningi í Héraðsdómi og Hæstarétti. Málið var sent áfram til Mannréttindadómsstólsins og er í ferli þar.

Gengið var frá samningi við Reykjavíkurborg þann 10. desember 2015. Samningur við Samband íslenskra sveitarfélaga var undirritaður aðfaranótt 21. mars 2016 og gilda báðir samningarnir út mars 2019.

Á árinu komu upp nokkur mál þar sem félagsmenn leituðu persónulega til stjórnar félagsins, þjónustuskrifstofunnar eða til trúnaðarmanna á vinnustöðum. Unnið var úr þeim málum eftir bestu vitund og getu.

Félagið vinnur fyrir alla félagsmenn sem leita til félagsins leita úrlausnarefni. Félagsmenn verða að leita til stjórnar, trúnaðarmanna eða til þjónustuskrifstofunnar með þau mál sem upp hjá þeim koma.

Vakin er sérstök athygli ykkar á að öll mál sem þið teljið vera erfitt að ræða við náíð samstarfsfólk, næsta yfirmann eða aðra sem þið umgangist daglega í vinnunni, má leysa með aðkomu starfsfólks þjónustuskrifstofunnar. Þetta er þeirra vinna og mál eru yfirleitt meðhöndluð öðruvísi þegar þau koma að, vandinn sem fylgir nándinni er þar með leystur að hluta.

Við vinnum með þau mál félagsmanna sem koma til okkar í samstarfsnefnd sveitarfélaga, þar með taldri Reykjavíkurborg, og á svipaðan hátt gagnvart ríkinu. Það krefst þess að félagsmaður snúi sér til okkar með umkvörtunarefni og að við getum unnið úr því á grundvelli gagna sem lögð eru fram. Á vefnum sbu.is er að finna lista yfir trúnaðarmenn SBU.

Fréttamiðlun til félagsmanna

Til að miðla fréttum og upplýsingum til félagsmanna notar félagið tölvupóst, vefsíðu SBU og Facebook. Að meðaltali er Facebooksíða SBU skoðuð um 600 til 800 sinnum á viku þegar nýjar fréttir koma inn á síðuna. Síðan var opnuð 17.nóvember 2009 og við síðustu talningu, 6.apríl 2016, voru 247 einstaklingar tengdir síðunni.

Félagsmenn geta einnig farið inn á vef þjónustuskrifstofunnar, stett.is eða á vef BHM til að nálgast upplýsingar um félagið.

Vefurinn

Vefur félagsins var settur af stað í júní 2013. Hann er unninn í WordPress en hýstur hjá Allra8, sem einnig veitti ráðgjöf og vann í uppsetningu vefsins. Óskar Þór Þráinsson, ritari SBU, hefur séð um að setja inn fréttir á vef félagsins.

Vefnum er fyrst og fremst ætlað að vera upplýsingaveita um starfsemi félagsins, en einnig tenging milli stjórnar félagsins, þjónustuskrifstofu þess og félagsmanna. Þau viðmið voru notuð við uppsetningu að hann lagaði sig að ólíkum tækjum (responsive design) og að auðvelt væri að setja upp tengingar við félagsmiðla.

Með því að nota WordPress er notað kerfi sem er í stöðugri þróun og opnum aðgangi. Lausnir í kerfinu eru oft ódýrar og stundum ókeypis.

Samkvæmt vefmælingum voru innlit á vefinn frá því 6.apríl 2015 til 6.apríl 2016 7.040 en síðuflettingar 12.692. Að meðaltali voru notendur að skoða 1.8 síður í hverri heimsókn. Heimsóknum á vefinn hefur fjölgað um 47% milli ára.

Mest skoðuðu síðurnar eru: Kjarasamningar, Launatöflur og stofnanasamningar. Mest lesna fréttin eru Fréttamolar frá Stjórn SBU nóv 2015.

Starfsþróunarsetur háskólamanna

Ríkið greiðir núna hærra framlag til starfsþróunar, 0,35% af heildarlaunum í Starfsþróunarsetur háskólamanna og 0,22% af heildarlaunum í Starfsmenntasjóð BHM, en áður var greitt af dagvinnulaunum. Í síðustu samningum við Reykjavíkurborg var samþykkt að greiða fyrir starfsmenn borgarinnar í Starfsþróunarsetur en það var ekki fyrr við undirritun samingsins núna 2016 að félagsmenn sem vinna hjá sveitarfélögum geta sótt um styrk til Starfsþróunarseturs háskólamanna. Styrkupp hæðin nemur 370.000 á 2ja ára tímabili.

Starfsþróunarsetur var stofnað í samhengi við ákvæði um námsleyfi í kjarasamningum. Samkvæmt því greiðir vinnuveitandi full laun meðan launþegi er í námsleyfi, og framlag úr Starfsþróunarsetri og Starfsmenntasjóði mætir kostnaði við nám, s.s. námsgjöldum og ferða- og gistikostnaði.

Styrkur SBU

Samþykkt var á seinasta aðalfundi SBU að félagið hafi heimild til að veita styrk til félagsmanna að upphæð 200.000 árlega til eins verkefnis, sem stuðlar að framgangi stéttarinnar. Félagið áskilur sér rétt til að hafna öllum umsóknum ef þær uppfylla ekki þau skilyrði sem sett eru fyrir styrkveitingunni. Ekki var sótt um styrk á árinu 2015.

Störf stjórnarmanna

Formaður SBU:

Sat stjórnarfundi SBU, sat í stjórn þjónustuskrifstofunnar og sat fram á mitt ár sem formaður hennar ásamt því að sitja í formannaráði BHM. Mætti á þá mótmæla og upplýsingafundi sem haldnir voru fyrir félagsmenn BHM á meðan á verkfalli félagsmanna BHM hjá ríkinu stóð yfir ásamt því að fara á fundi vegna einstakra mála hjá félagsmönnum þegar þau komu upp. Sat sem aðalmaður í samninganefnd BHM við ríki og sveitarfélögin ásamt því að vera varamaður í samninganefnd við Reykjavíkurborg fyrir saminga 2015. Tók þátt í undirbúningi vegna lausra samninga við alla aðila nema almenna markaðarins sem SBU semur við. Setti inn efni á fb-síðu félagsins. Sat aðalfund BHM, var varamaður í stjórn Styrktarsjóðs BHM og fór inn sem aðalmaður þar í byrjun árs 2016. Mætti á kynningarfundum vegna kjarasamninga. Sat fundi í fundarröð þjónustuskrifstofunnar varðandi undirbúning á nýju vinnumarkaðsmódeli. Þakka fyrir gott stjórnarsamstarf.

Varaformaður SBU:

Hóf starfsárið á að sækja aðalfund BHM. Sat stjórnarfundi félagsins og aukin heldur nokkra formannaráðsfundi, stefnumótunarfund BHM og aðra fundi í forföllum formanns. Hélt ásamt

formanni tvo upplýsingafundi með félagsmönnum okkar hjá sveitarfélögum á höfuðborgarsvæðinu. Sótti ýmsa fræðslufundi á vegum BHM og Þjónustuskrifstofu. Sat og sótti ótal fundi vegna undirbúnings fyrir og samningagerðar samflots starfsmatsfélaga við Reykjavíkurborg auk þess að kynna niðurstöður samninganna fyrir félagsmönnum. Tók þátt í nokkrum fundum vegna samningagerðar við sveitarfélögin. Þakka gott stjórnarsamstarf.

Gjaldkeri SBU.

Störf gjaldkera SBU fyrir árið 2015. Sat stjórnarfundum SBU. Mætti á mótmæla og upplýsingafundi sem haldnir voru fyrir félagsmenn BHM á meðan á verkfalli stóð. Tók þátt í að taka á móti Katalógus í sinni vísindaferð. Sat aðalfundi BHM, Var fyrir hönd SBU á morgunverðarfundum um áhrif gerðardóms á stofnanasamninga. Sat fundum í fundarröð þjónustuskrifstofu um undirbúnings nýs vinnumarkaðsmódel.

Meðstjórnandi SBU:

Sat aðalfund BHM, stjórnarfundum SBU, nokkra samninga- og vinnufundi vegna miðlægra kjarasamninga við ríkið og var fulltrúi SBU á fundum um stofnanasamninga og bókun 2. Sótti kynningar og námskeið um nýjan gagnagrunn BHM. Sótti fundum þjónustuskrifstofunnar um nýtt vinnumarkaðsmódel og fundum um fyrirhugaðar breytingar á lífeyrissjóðum starfsmanna ríkis (LSR) og sveitarfélaga (LSS).

Ritari SBU:

Sat stjórnarfundum SBU, aðalfundum SBU, hélt utan um vefmál með fréttaskrifum, uppfærslum og viðhaldi við vef félagsins sbu.is sem og samfélagsmiðla. Tók þátt í að taka á móti Katalógus í sinni vísindaferð. Sat aðalfundi BHM, tók þátt í stefnumótunarþingi BHM, sótti samráðsfundi þjónustuskrifstofu FSSS, fundum um samninga á almennum vinnumarkaði og tók þátt í samningafundum með samninganefnd BHM við sveitarfélögin.